

欽定盛京通志卷之六十五

國朝人物

宗室諸王

欽定盛京通志

卷六十五

目錄

欽定盛京通志

國朝人物

臣等謹案帝王膺籙受圖必有風虎雲龍之佐我

國家肇域自東

太祖

太宗

帝命靈承式廓丕基時則有宗潢世胄智勇忠誠懋著

壯猷克襄燹伐尚哉賈乎洵非漢紀通侯惟

欽定盛京通志

卷六十五

國朝人物

二

稱樊鄴唐封同姓僅曰孝恭已也我

皇上觀揚

光烈祇念蓋臣特頒

明諭凡佐命懿親勤勞著績者

恩綸載錫

渥典酬庸

臣等敬誦

綸言追維駿烈於翊運諸王及干城師濟之士詳徵

事蹟臚著於篇謹志

國朝人物第二十四

欽定盛京通志卷之六十五

國朝人物

宗室諸王

武功郡王禮敦。

景祖翼皇帝第一子也。初

肇祖原皇帝於蘇克素護河部之呼蘭哈達擒斬讐人。

開基赫圖阿拉地。三傳

興祖直皇帝有子六。分築六城環衛而居。並稱寧古塔

貝勒。第四子為

欽定盛京通志

卷六十五

國朝人物

一

景祖翼皇帝居赫圖阿拉城。禮敦為

顯祖宣皇帝之兄。生而英勇。當六城並建時。近地部落

中有額色納者。生九子。俱強悍。又有嘉瑚者。生

七子。俱輕捷多力。嘗身披重鎧。連躍九牛。二族

恃其強。侵陵諸路。禮敦從

景祖率諸貝勒往征。盡滅之。收服五嶺東蘇克素護河

西二百里內諸部。由此國益強盛。以禮敦戰功

居最。號曰巴圖魯。其後諸族人。或嗜利召外侮。

或構兵釀內憂。

太祖高皇帝備嘗艱險。討誅尼堪外蘭。乃得國中帖服。而禮敦時已早沒。追溯翼運宗功。莫出其右子。貝和齊克承先志。敬事。

太祖。

太祖建都遼陽後。進征廣寧。

命貝和齊與宗室鐸弼等。統兵留守遼陽。嗣命貝和齊等奉移。

祖陵於東京城之楊魯山。禮敦附葬陵旁。

欽定盛京通志

卷六十五

國朝人物一

二

太祖文皇帝天聰時。以貝和齊長子色勒。為正藍旗都統。崇德元年。四月。追封禮敦為武功郡王。配饗

太廟。

世祖章皇帝順治四年。七月。錄武功郡王孫席賚等。均授佐領。以色勒有軍功。所得騎都尉。晉為一等男。十五年。九月。敬移東京。

祖陵於

興京。奉安。

永陵。禮敦亦遷附。

永陵旁

聖祖仁皇帝康熙二十一年三十七年

親詣

興京恭謁

永陵

命大臣詣武功郡王墓酌酒五十六年八月

念武功郡王後裔未有顯秩

特擢其第三世孫侍衛吉禮為散秩大臣並

命予世襲乾隆十九年九月

欽定盛京通志

卷六十五

國朝人物一

三

皇上駕詣

盛京

詔以盛京為龍興重地國初諸王功烈懋著宜建祠

以酬舊勲而示來許命曰賢王祠春秋致祭以武

功郡王入祠

原奉載

諭旨恭繪音門

四十三年正月復

奉

諭旨

命史臣立傳以徵信詳慧哲郡王傳先是乾隆八年

十九年迨四十二年四十八年

上謁

永陵皆

命大臣酌酒於墓。

慧哲郡王額爾袞。

景祖翼皇帝第二子。

顯祖宣皇帝之兄。當

太祖高皇帝未誅尼堪外蘭時。覺爾察城。阿哈和洛城。

和洛噶善城。尼瑪蘭城。章嘉城。五城諸族人。或

嗜利構兵。額爾袞則智慮周達。視不善若免已。

欽定盛京通志

卷六十五

國朝人物一

四

故得永保令名云。卒後無嗣。

世祖章皇帝順治十年五月。追封多羅郡王。諡曰慧哲。

十一年三月配饗

太廟。與武功郡王禮敦。宣獻郡王齋堪。通達郡王雅爾

哈齊。並列東廡。乾隆十九年九月入祀

盛京賢王祠。四十三年正月。

上諭國史館諸臣曰。通達郡王係

顯祖之子。武功慧哲。宣獻。三郡王係

景祖之子。當時雖身預配饗。第以宗支而論。已在覺羅

之列。是以宗室王公表傳內。未經立傳。但思宗室傳既限於支派。國史傳又以屬在宗潢。今此四王無所附麗。亦覺欠缺。著交國史館查明四王事實。補爲立傳。列於國史諸大臣傳之前。卽或當時紀載簡少。其功績無由稽核。無妨不拘詳畧。各立一傳。以徵信焉。

宣獻郡王齋堪。

景祖翼皇帝第三子。

顯祖宣皇帝之兄。當

欽定盛京通志

卷六十五

國朝人物一

五

太祖高皇帝未誅尼堪外蘭時。族人嗜利搆兵者。齋堪弗與爲伍。惟善是務。著望老成。卒後無嗣。

世祖章皇帝順治十年五月。追封齋堪多羅郡王。諡曰宣獻。十一年三月。配饗

太廟。與武功郡王禮敦。慧哲郡王額爾袞。通達郡王雅爾哈齊。並列東廡。乾隆十九年九月。入祀

盛京賢王祠。四十三年正月。

命史臣立傳以徵信。互詳武功郡王。並慧哲郡王傳。通達郡王雅爾哈齊。

顯祖宣皇帝第四子與

太祖高皇帝及追封親王舒爾哈齊俱為

宣皇后所生舒爾哈齊事蹟見其子鄭親王濟爾哈朗

傳雅爾哈齊無嗣其卒年及事蹟舊史不著

世祖章皇帝順治十年五月追封多羅郡王諡曰通達

十一年三月配饗

太廟與武功郡王禮敦慧哲郡王額爾袞宣獻郡王齋

堪並列東廡乾隆十九年九月入祀

盛京賢王祠詳武功郡王傳四十三年正月

欽定盛京通志

卷六十五

國朝人物一

六

命史臣立傳以徵信詳慧哲郡王傳

禮親王代善

太祖高皇帝第二子也賦性忠果英勇過人從征哈達

輝發葉赫等國論功授貝勒瓦爾喀費優城人

苦烏拉國布占泰之虐乞移家歸附丁未歲

太祖命與貝勒舒爾哈齊褚英等率兵往徙之乘夜陰

晦行見大燾之上有光眾以為異取視無有復

樹之光如初舒爾哈齊疑之欲回兵代善曰或

吉或凶兆已定吾等何所見而遽還耶遂決意

進兵。盡收環城屯寨五百戶。令侍衛扈爾漢護之先行。布占泰邀諸路不得進。次日諸貝勒至。代善及褚英各率兵五百。分路夾擊。大敗之。代善從馬上攫貝勒博克多胄而斬之。並斬其子。生擒貝勒瑚哩佈及常住父子。時天大雪。敵敗走。僵仆。斬獲無算。

太祖嘉其功。

賜名古英巴圖魯。癸丑年正月。

太祖征布占泰。代善從。時烏拉三萬人。越勒爾哈城而

欽定盛京通志

卷六十五

國朝人物一

七

軍。諸貝勒大臣皆願戰。

太祖猶未欲加兵。將遣使申諭。代善進曰。我士飽馬騰。利在速戰。所慮者。布占泰不出耳。今彼兵旣出。平原曠野。可一鼓擒也。舍此不戰。厲兵秣馬。將何爲耶。

太祖曰。我用兵以來。無不身先搏戰。但恐貝勒諸大臣。或致有一二被傷。實深惜之。爾衆志旣孚。即可決戰。

因

命進兵。代善隨

太祖親突陣。大敗其兵。遂克其城。布占泰遁走。僅以身免。天命元年。

太祖卽帝位。授大貝勒四人。以代善爲首。三年。四月。從太祖伐明。會天雨。欲還軍。代善曰。因明不道。是以興師。旣臨其境。若遽旋師。將復修和好乎。抑相仇怨乎。軍行遠地。誰能諱之。天雖陰雨。吾軍皆有禦雨之具。且天降此雨。以懈明邊將之心。是雨利於我。不利於彼也。

太祖善其言。遂進兵。下撫順等城。及堡寨五百餘處。大軍已出關。明廣寧總兵張承廕等來追。時

太宗爲四貝勒。與代善率兵迎擊之。盡殲其衆。四年。正月。

命往守扎喀關。二月。明大發兵四路來侵。

太祖率師親征。代善先行。遂過扎喀關。集兵以待。

太宗以祀事後至。謂界藩山築城夫役宜急防衛。代善遂同督兵赴界藩山。斬敵衆百人。復敗明總兵杜松等於薩爾滸山。又明總兵馬林營尚間崖。潘宗顏營斐芬山。互爲掎角。

太祖命步兵接戰。方傳諭。敵兵自西突至。代善呼曰。兵已進矣。卽怒馬迎戰。直入其陣。遂敗敵兵。明總兵劉綎由寬甸路來侵。

太宗督兵登岡。從上衝擊。代善率左翼兵自西夾攻之。敵衆披靡。劉綎等沒于陣。八月。從伐葉赫。代善諭降其西城。葉赫平。六年三月。大軍取明瀋陽。明總兵李秉誠以兵來援。

太宗擊敗之。代善及貝勒岳託共逐四十里。斬馘甚衆。十一年八月。

太祖上賓。代善在諸子最長。而我

太宗功德隆茂。衆望尤屬。代善遂與子岳託薩哈璘等。作議書。言紹承大統。必得聖君。始能戡亂致治。以成一統。自顧德薄。願共推戴。

四貝勒嗣位。入朝。遍示諸貝勒大臣等。衆皆喜。太宗辭讓再三。代善言益懇切。衆議亦堅。

太宗乃從之。天聰元年五月。率兵攻明錦州。圍其城。二年十一月。從

太宗伐明。逼燕京。敗明應援總兵滿桂等兵。殲戮甚衆。

五年八月。我師圍明大凌河城。明兵來援。敗之。生擒監軍張春等。春不屈。

太宗怒。欲誅之。代善進曰。我前此所獲。無不收養。且此人既以死忠爲貴。奈何殺之。以遂其志乎。

太宗悅。遂赦春。崇德元年四月。大封功臣。晉代善爲和碩兄禮親王。十二月。從

太宗征朝鮮。受其降。以歸。三年二月。

太宗征喀爾喀。同鄭親王濟爾哈朗等留守。並監築遼陽都爾弼城。八年八月。

欽定四庫全書

卷六十五

國朝人物一

十

太宗上賓。

世祖章皇帝嗣位。郡王阿達禮。及貝子碩託。謀立睿親王多爾袞。代善發其謀。俱伏誅。碩託爲代善第二子。阿達禮則其孫也。順治元年。朝元旦。

世祖命上殿母拜。以優異之。五年十月。薨。子滿達海襲。是年。新定諸王葬費。親王例給銀五千。

世祖以代善功德懋著。

特賜萬兩。立碑紀功。康熙十年五月。追諡曰烈。復立碑以表於墓。乾隆四十三年正月。

上諭廷臣。以禮親王誠心推戴。勤勞王室。懋著壯猷。克昭駿烈。其後改封為康親王。親賢世胄。竟改初封嘉號。何以垂詒奕禩。示酬庸追本之義。宜仍復原稱封號。並配享

太廟。

原奉載

諭旨。恭
綸音門。

代善子岳託。薩哈璘。瓦克達。滿

達海。瑪瞻。俱著勲名。各有傳。

鄭親王濟爾哈朗。舒爾哈齊第六子也。舒爾哈齊。

顯祖宣皇帝第三子。初授貝勒。以收瓦爾喀部。敗烏拉

欽定盛京通志

卷六十五

國朝人物一

十一

之衆。積功。

賜號達爾漢巴圖魯。辛亥年。八月薨。順治十年。五月。追

封和碩親王。諡曰莊。濟爾哈朗。幼育於

太祖宮中。號和碩貝勒。天命十一年。四月。從代善征蒙古五部。有功。天聰元年正月。同貝勒岳託等。伐朝鮮。及明皮島帥毛文龍。大軍薄義州。克之。遂進拔安州。定州。搗毛文龍所居鐵山。直逼朝鮮平壤城。朝鮮遣使來請和。議未決。阿敏有異志。欲屯種以居。因令直趨王京。岳託與濟爾哈朗

議。濟爾哈朗曰。兵不可深入。聞去此三十里。有平山城者。可駐兵。以待和議之成。遂引軍駐平山。朝鮮王李倬遣使至。議歲貢。許之。遂定盟。振旅歸。五月從。

太宗伐明。攻寧遠城。與明總兵滿桂兵遇。力戰。被創氣。彌奮。大敗其衆。二年五月。討蒙古固特塔布囊。斬之。收其部。三年九月。同岳託等。率兵往畧明。錦州寧遠。焚其積聚而還。十月。

太宗親統大軍伐明。

欽定盛京通志

卷六十五

國朝人物

十三

命同岳託攻大安口。毀其水門。乘夜進城。明馬蘭營叅將率兵來援。我前鋒軍擊走之。比明見明援兵立營山上。濟爾哈朗先縱兵往敗其衆。追至馬蘭營。旣而岳託復敗遵化州援兵。自辰迄巳。五戰皆捷。馬蘭等三營俱下。引兵趨石門。殲明援兵於道。十二月。同貝勒阿巴泰等。率兵往通州。焚其船。遂攻張家灣。克之。四年正月。誅叛將劉興祚于山海關。并擒其弟興賢以獻。以兵駐永平。招降灤州遷安等處。三月。以貝勒阿敏代之。

還。五年。七月初設六部。

命理刑部事。八月。從攻大凌河。率本旗兵爲後應。與代善等克臺堡。守之。十一月。截塔山以東邊海隘口。有俘獲。七年。三月。

命築岫巖城。以兵駐守。五月。與杜度等往迎明降將孔有德。耿仲明。於江上。獲明及朝鮮降人以歸。八年。五月。

太宗征察哈爾留守

盛京十年。四月。改元崇德。晉封和碩鄭親王。十二月。欽定盛京道志。卷六十五。國朝人物一。十三。月。

太宗征朝鮮。復留守。三年。十月。大軍伐明。以本旗兵自前屯衛會大軍於中後所。克模龍關。及五里堡屯臺。四年。五月。往略明錦州松山。與明兵遇。九戰。九敗之。俘獲甚衆。六年。三月。同阿濟格多鐸等克錦州。捷聞。

太宗大悅。令八門擊鼓。召衆於篤恭殿。宣捷。五月。又敗明經略洪承疇兵六萬於松山北岡。八月。洪承疇等率兵十三萬來援錦州。

太宗親統大軍征之。

命留守九月復從圍錦州。十二月承疇以兵六千夜犯正紅正黃兩旗營。濟爾哈朗令軍各依汛地沿濠射之。敵敗去。會松山城門閉不得入。盡降其衆。錦州被圍一年糧盡援絕。會洪承疇被擒。祖大壽乃以城降。遂議取寧遠之策。四月同多爾袞等率兵攻塔山克之。進攻杏山城。中懼開門降。七年七月。

賜鞍馬一。蟒緞百。八年八月。

欽定盛京通志

卷六十五

國朝人物一

十四

世祖章皇帝嗣位。以濟爾哈朗與多爾袞輔理國政。九月率兵攻寧遠。拔其城。並克前屯衛。斬總兵李輔明等。乘勝取中前所。順治元年十月。晉封信義輔政叔王。

賜金千兩銀萬兩。緞千疋。五年三月。貝子屯齊等。許告兩旗大臣謀立豪格。濟爾哈朗知而不舉。議罪降多羅郡王。閏四月復爵。九月。

命爲定遠大將軍。討湖廣流賊李錦等。道出山東。勦平曹縣土寇。六年八月。抵長沙。敗賊於湘潭。收復

府州縣六十餘城。擒斬僞王以下文武官以百計。湖南貴州悉平。七年正月振旅還。四月。

賜金二百兩。銀二萬兩。嗣以與多爾袞不合。罷輔政。九年二月。晉封叔和碩鄭親王。十二年二月。上疏言政事。大畧言無蔽言路。無弛武備。恤滿洲官兵疾苦。立史官起居注。

世祖嘉其言。五月病劇。

車駕臨問。問有遺言乎。泣對曰。臣受

三朝深恩。未能仰答。不勝感痛。惟願以取雲貴。滅朱由

欽定盛京通志

卷六十五

國朝人物一

十五

榔。統一四海爲念。且滿洲甚少。而能破流寇。取京都者。應加撫卹。

世祖垂涕曰。天何故不令朕叔長年耶。言已。大慟。

詔畫工往圖其像。留宮中。及薨。輟朝七日。

賜祭葬。所給銀兩。視定例倍之。十四年立碑紀功。稱忠

冠當時。功昭後世云。康熙十年六月。追諡曰獻。

乾隆四十三年。

上諭廷臣以鄭親王後改封簡親王。親藩世胄。改易原封。不足以昭彰闡宗勛。襲慶承家之至意。著仍

稱原封號。並配享。

太廟子濟度。於順治十一年二月。授定遠大將軍。以平海寇鄭成功有功。襲封親王。後薨。諡曰純。

饒餘親王阿巴泰。

太祖高皇帝第七子也。初以戰功。封台吉。辛亥年。秋七月。與費英東等。率兵征東海窩集部。克其二路。天命四年。六月。隨伐明。克撫順。八年。四月。

太祖命與諸台吉。往討喀爾喀扎噲特部昂安。以其執我使。送葉赫故。昂安傷我前鋒統領岱穆布。阿

欽定盛京通志

卷六十五

國朝人物一

十六

巴泰大怒。陣斬昂安父子。並從者。俘其孥以還。以功。晉封貝勒。天聰元年。五月。

太宗伐明。與貝勒杜度居守。二年。五月。

命與岳託等。率兵墮明錦州城。三年。十月。

太宗親統師伐明。次老河。

命與貝勒阿濟格。率兵攻龍井關。克之。又擊斬明三屯營哨卒。抵漢兒莊。會貝勒多爾袞等降明守將李豐等。十二月。與濟爾哈朗等。率兵略通州。焚其船。攻張家灣。克之。復與大貝勒代善等。率護

軍往略薊州。破山海關。援兵五千餘人。四年正月。克永平。與濟爾哈朗鎮守永平。三月。同薩哈璘援灤州。明兵退。乃還。是年初設六部。

命理工部事。七年六月。

詔問貝勒大臣。用兵宜先伐何國。阿巴泰言。宜選精兵襲明邊牆。崩關門可得。大軍屯於邊外。擇諸貝勒將兵分路馳入。若獲可用之人。送至大寨。俾遣入內地。則消息愈通。錦州無足過慮。我兵既入。是天時已至。令祖大壽入山海關。便可與我

欽定盛京通志

卷六十五

國朝人物一

七

兵相會合也。八月。同薩哈璘、豪格等略明山海關。俘獲無算。崇德元年四月。敘功。封爲饒餘貝勒。六月。伐明。分兵三路入。會於延慶州。九月。略保定。至安州。凡克十二城。敗明兵五十六陣。凱旋。

太宗親往迎之。十二月。

太宗親征朝鮮。

命駐防噶海城。三年二月。

太宗親征喀爾喀。令留守。

盛京併監築遼陽等城。五月修治。

盛京至遼河大路。與多爾袞董其役。九月伐明。自董家口入。守將棄城遁。四年四月師還。

賜馬二匹。銀五千兩。九月略明錦州寧遠。五年六月與多爾袞等。於義州築城屯田。七月刈錦州城西禾。敗錦州兵。與杜度截明運糧兵。獲其米千石。牲畜百餘而還。十二月同多爾袞豪格杜度。率兵往代濟爾哈朗等圍錦州。六年六月擊敗關內援兵於松山。七年三月同濟爾哈朗等攻杏山。以礮擊墮其城。降之。十月。

欽定盛京通志

卷六十五

國朝人物一

六

特授奉命大將軍。率師伐明。直抵兗州府。俘魯王朱以派。下樂陵等處。自濟以東。州縣望風降附。八年六月班師。

賜銀萬兩。是月。又令與諸貝勒分道伐明。會師延慶州。順治元年四月。

世祖念開國宗勛。晉封多羅饒餘郡王。二年正月。命爲總統。率官兵代豪格勦土賊於山東。二月遣準塔等擊賊於徐州。賊衆奔潰。赴河死者無算。三年。

三月薨。諡曰敏。尋以子岳樂音封親王。贈如其
爵。岳樂平江西。取湖南。勦滅逆藩吳三桂。有懋
功。詳

國史傳

欽定盛京通志

卷六十五

國朝人物一

十九

欽定盛京通志卷之六十五